



葛莊詩鈔

乙丑

遼海劉廷璣玉衡

一字在園著

卷六

孟春出都留別諸親友

殷勤執手勸加餐。盡道聲名繫一官。慷慨立談原似易。崎嶇行路始知難。片帆獨向江南掛。雙闕常依斗北看。昔共文壇今宦海。卻教斗米負漁竿。

宿長新店

戀土難離別。啣盃易感傷。出門三十里。此地卽他

鄉

琉璃橋相傳為魏忠賢造

鳩工當日苦民生。此際行人喜路平。恰似長邊千萬里。至今翻頌始皇城。

涿鹿別張越千

亦是羈遲客。何勞遠送行。我方遊浙水。君反滯燕京。風雨他鄉夢。鶯花故國情。臨歧無一語。相視淚盈盈。

河間道中飲酒家

河干茅屋遠參差。日午投鞭問酒卮。入座始知前度客。巡簷忽見舊題詩。風吹斷岸冰初水。煙繞長堤柳未絲。聞道江南春信早。我來應及杏花時。

平原懷古

往事千秋記未真。荒郊指點問居民。諸侯無策尊公子。二客何能負美人。曾照笙歌惟有月。欲尋樓閣但飛塵。傷心焉得當時酒。一醉平原十日春。

趵突泉次趙松雪韻

翻雪噴珠乍有無。一潭寒景徹冰壺。常教地底源

泉湧不使人間草木枯湍自激成聲日夜濤能滾
作勢江湖凭欄獨向清波照照見長空碧月孤

甲子九月 聖駕東巡登泰山 御書雲峰

二字 臣璣 於乙丑二月之任台州路由泰

安恭擬應制

天子東巡狩勤民晉岱宗閭閻瞻 聖治膏澤徧

侯封曉日迎千仗晴山駕六龍萬年新氣象 宸

翰灑雲峰

泰安曉發兼呈奉使諸公

飲馬河干乳水紋三千驛路此中分 由燕之揚陸路至此半

一鞭揮起平沙雁滿橐攜來遠岫雲樹冷依然春

寂寞烟生不斷曉氤氳莫因辛苦蹉行役王事從

來豈憚勤

晚行口號

叫月鴉爭樹嘶風馬憶羣不知人宿處還隔幾重

雲

蒙陰遇楊齋使入都

君向江南幾日還春風一路到鄉關若從宣武門

鴉可叫月則
鴉可叫日矣

前過爲報相逢在此間

高河晚渡

車馬三千里黃昏古道中雲飛孤嶂兩樹嘯一天
風岸岸沙仍白村村火漸紅津梁何處所隔水問
漁翁

沂州諸葛丞相故里

錦川勲業振千秋此地猶傳有故丘度嶺西來雲
自散繞城東去水空流三分形勢心先定五丈秋
風志未酬獨有功臣名不朽漢朝丞相武鄉侯

郟城縣問官故里

魯鄙有郟國列爵分封子郟子能博學讀書貫經
史當時會魯公問官悉終始夫子獨就學好問不
爲耻萇弘曾問樂老聃曾問禮豈其素未諳虛懷
常不已城邊水粼粼廟前石齒齒一拜仰高風先
聖乃如此

淮安懷古

黃石橋頭落日斜山城環抱水西涯井廬自進尋
常飯雞犬仍聞幾萬家往事獨存碑上字流年頻

送岸邊花可憐鐵作秦皇樹也竟無枝宿暮鴉

舟發寶應

夜掛征帆曉未休傳呼曾已過秦郵櫓聲搖醒還
家夢身在江南一葉舟

晚泊

岸艸不分青雙橈向晚停水天同一月燈火雜羣
星舟聚成村舍帘收閉艸亭叩門買春酒漁笛醉
中聽

虹橋

春在虹橋第幾欄酒爐茶社儘盤桓偶來古寺貪
看竹却喜山僧不識官一路東風芳艸接連宵微
雨杏花寒隔溪聽得林鶯語似愛遊人興未闌

對月

千里家園夢裏行夢回身臥廣陵城宛然花豫樓
前月分到他鄉處處明

廣陵浮屠

恍然身已踞諸天拾級浮屠最上巔一線白知城
下水萬家青見樹頭煙金山隱約嵐光遠鐵甕蒼

蕩海氣連我欲凌風朝 帝關京華只在五雲邊

楊子江

塔立水當中扁舟未敢東龍吹千嶂雨豚拜一江
風古跡看無恙長途笑屢空浮名方碌碌羞對釣
魚翁

金山寺

浮玉今何處舊名浮玉開金會此間唐人開山故名茶烹江
內井花發浪中山不許纖塵起唯容倦鳥還忙忙
飛度客誰似老僧閒

舟中即景二首

潮來水倒流雲起山全失簫鼓近江城一塔船頭
立

斜日卸輕帆一帶垂垂柳數錢買活魚上岸沽新
酒

無錫得順風

九里一江村村村勢欲奔帆飛風力勁舟急浪花
噴麥送青千疊山迎翠幾痕前途須小泊酒蕢惠
泉樽

登惠山卽景

萬綠參差石磴斜，池邊臺榭洞邊花。
碧潭滿注烹茶水，白板全書賣酒家。
山色去登雙屐兩，櫓聲歸蕩一川霞。
匆匆未了尋幽興，回首煙雲樹影遮。

虎丘次韻

遠爲尋芳特地來，春光寂寞客徘徊。
山環學士新遺像，花落生公舊講臺。
石上少人多碧草，澗邊無鶴有青苔。
且將着屐登臨興，寄向三泉一茗盃。
姑蘇懷古

霸業全消一戰中，十年生聚竟成功。
紅顏何足傾人國，利口從來敗乃公。
鹿上高臺春已去，桐生後圃夢成空。
獨鏤劍下忠臣淚，灑作江濤萬古東。

舟中春寒同李若芝分賦

誰道江南春信早，姑蘇二月尚重裘。
山花放白疑飛雪，岸柳搖黃似帶秋。
茅屋一帘沽酒市，石橋雙槳打魚舟。
興來共飲如泥醉，君自稱僊我贈侯。

自稱臣是酒中僊，請贈劉伶作醉侯之句。

清明泊嘉興

上元燈火出京華。今見江南楊柳斜。春半長途都
是水。夜深有夢不離家。歌從樓上迷煙雨。酒向村
中問杏花。蝴蝶灰飛都掃墓。新妝兒女向人誇。

清明後一日嘉興早發

我來問俗大江南。吳越風光次第探。野菜半花花
半蝶。女桑初葉葉初蠶。官非卿月聊居貳。地接台
星却應三帆卸。西冷鶯未老。何妨斗酒共雙柑。

石門阻風

遠出京華已四旬。駕鷺湖畔碧粼粼。舟人停槳占

風候。漁子收罾擇水濱。柳外一痕江店月。酒邊幾
片海棠春。醉來莫作還家夢。醉裏還家夢不真。

西湖

一篙春水半塘蒲。載酒西泠入畫圖。湖比美人因
號子。堤成太守得名蘇。遠山雨後仍含溼。弱柳風
前欲待扶鐘磬。忽來何處寺。停舟先上古浮屠。

岳王墳

報國馳驅數載中。金牌十二敗全功。偏安已滿高
宗欲。力戰空勞武穆忠。一片丹心湖上月。千秋壯

氣樹頭風墓前鐵鑄秦丞相兒女何知笑罵同

放鶴亭

出橋入橋三十里三株五株新桃李波影翻搖壁
上紋山光倒見湖中水舟人指點一孤亭云是林
逋舊隱此一從亭上失先生客到山中鶴不起

遊謝太傅東山

清談誰說事無成江左名賢獨著名已識廟廊思
太傅肯教丘壑誤蒼生山中何處尋雙屐花下猶
然剩一杯晉國衣冠存古寺風流如見往時情

嵯縣舟中

定有人家在竹西晚煙飛出與雲齊一篙春水魚
堪數兩岸晴山鳥亂啼巖際只容樵子過林端多
是老僧棲喧傳莫向黃昏渡沙上新痕印虎蹄

出都時同人贈行詩有劉郎重訪舊天台之
句三月望日入天台山中即用爲起句得
二晉

劉郎重訪舊天台三月春風一路催尙有桃花開
玉洞曾無僊子下瑤臺樹頭野鳥羣呼應嶺上閒

雲自往來採藥遺踪何處是青山窈窕水滌洄
劉郎重訪舊天台阮子何緣去不回昔是雲踪今
宦轍君爲仙骨我凡才未聞鷄犬村村接却喜桑
麻處處栽豈爲丹砂勾漏覓鶴琴相對亦蓬萊

黃巖舟中

潮長潮消日夜分十年前此聚妖氛飛來龍虎開
三路掃淨鯨鯢鎮一軍滾滾江流爭入海層層山
色各生雲太平不畏波濤險到處漁歌唱夕曛

贈天台屠廣文

不膺民社卽心閒身在飛梁瀑布間雅興登臨方
竹杖逸情追琢寶花山春風載酒僊人境午夜論
文弟子班昨有雙魚傳大阮乃叔給諫公適有書至相期仍
閉讀書關

樵雲樓同張松崖看雨

關心禾黍出郊坰一上高樓倦眼青溜急簷飛新
瀑布雲濃山失舊圍屏似驅旱魃雷聲怒應過神
龍海氣腥共說扶風蘇太守曾將喜雨記新亭

雙忠祠

祀正學先生
東湖樵夫

不分廊廟與山林能成綱常盡可欽十族精誠臣
子義片言激烈野人心城邊湖水明朝夕江上雲
峰峙古今若使九原相遇處悲歌應是兩知音

共樂堂分韻得晴字

雲吐奇峯鳥弄聲芙蓉花照草堂明鑿開水脈多
通海截斷山光半在城一卷蕉心風裏放滿塘菱
角兩邊生尋閒共得閒中樂乘月移尊賞晚晴

雨後漫成二首

閭閻何所望衣食盡生平一雨秋能足開門夜不

驚

已卜田能熟仍聞海不荒何須求分外魚米卽僊

鄉

諺云魚不收為海荒

題巾山茅菴限韻二首

茅菴高結碧峰頭竹樹風生萬壑秋山色正從窻
裏見江聲常繞檻邊流人來曲折千盤路畫不分
明一葉舟纔到城南方咫尺此身疑為白雲留

山橫斜日樹含煙無數閒花發杜鵑田舍牛羊芳
草外僊家雞犬白雲巔遺踪但許遊人問往事難

唐東言金
憑老衲傳欸乃一聲雙塔暮星星漁火聚晴川

台州雜言三首

北極居何所南台應此間六城三四海百里萬千山使者麒麟閣將軍虎豹關昇平今日樂容我一官閒

澤國東南地兵荒舊可憐客遷無善貨民用乏通錢風俗長爭水人家半力田秋來何所祝兩足是豐年

到來今七月終日萬山深不解鄉人語如聞谷鳥

音好花秋片片疎竹兩森森檢點門前事悠然此夜心

漫興

鶴如瘦骨水如神檢點行藏笑此身公子半生方學儉大夫今日反成貧一看山色雲中翠兩翅蟬聲雨後新寂寞休嫌官舍冷不驚心處是僊人

書懷和徐秀才韻

樓外行雲似水流畫簾高捲玉鈎鈎長汀遶郭趨滄海雙塔凌霄倚素秋人樂桑麻安舊業地消兵

火傲丹丘官閒喜遇昇平日幃幄無煩更運籌

東湖卽景

虛閣窻開八面風萬山吹冷夕陽中長林不識秋
多少橋畔先翻幾葉紅

署樓寓目

長林修竹晚蕭蕭徙倚欄杆縱目遙落日遠銜雙
塔頂白雲橫截半山腰人盤疊嶂開樵徑互鎖浮
船作渡橋秋色連天看不盡閒來收拾付詩瓢

方竹杖歌

我聞天台之山一萬八千丈云非飛僊不能上下
有窮巖絕澗晴陰景萬殊上有玉闕瓊樓雲物常
渺茫中間多產碧琅玕脩者森森短穰穰更生一
種特幽異亭亭獨作觚稜象古來得名曰方竹不
敢褻狎尊爲杖八十杖朝廷六十杖鄉黨幽人杖
林泉野人杖艸莽爲金爲玉爲藤藜間一有之是
爲蕩斑者瀟湘生綠者淇澳長未見此君太奇特
不肯逐圓自標榜一從頂上刻鳩形周旋獨得君
子賞君子有虛懷此君心虛常朗朗君子重直節

此君勁節能不枉君子會無隨波逐流事此君四面表正不與柔枝曲幹少相仿有時撥閒雲披鶴氅掛青錢尋酒幌眼前山水勝無比巖外橋邊一俯仰興來極目赤城霞忽生天際真人想焉得一擲化青龍騎向峰頭獨來往

中秋前二夜懷葉刺史遊廬州

君去江南第幾程遠來書札慰離情連宵好景中秋近兩地相思片月明此際觴飛廬子國何時舟返越王城夜深却惱銅龍水滴醒懷人夢不成

中秋後一日送友歸西泠

驪駒初唱不堪聞與客停杯爲送君來日此時誰共酌離情秋色各平分載歸靈水孤舟月攜滿華峯兩袖雲都說西湖楓葉好到家絃管正紛紛

卽景和燕窩僊人題壁韻二首

樓外卽深山一枕山牕臥何事溼人衣雲向牀頭

過

落日淡長堤衰艸牛羊臥歛乃一聲清遠浦漁舟過

章安道上

一拭熊軒四顧頻萬山疊疊水紛紛山頭新瀑飛
晴兩水底青天走白雲九月風高鴻失路長林霜
冷鹿歸羣朝來羽檄傳回浦報道樓船靖海氛

登高

登高極目海天長千里京華思渺茫繞郭江流
秋浩浩當樓山色晚蒼蒼風吹旅雁雲初薄露咽
寒蟬柳半黃誰道宦遊人適意江山雖好是他鄉
孫茲菴太守約遊天台諸山

金聲一擲屬君家但說僊都已足誇華頂夜觀滄
海日瓊臺晴攬赤城霞白雲久待登山屐流水常
浮引路花何日追隨方竹杖玉溪洞口飯胡麻

次馮司寇贈別韻

纔向雲亭問字過三秋無奈別離何風前酒對黃
花老囊裏詩成落葉多斜日層巒高下路寒潮雙
槳去來波長途縱有懷人句一指焉能測大河

台州曉發

放眼軒車面面窻疎林微雨溼旌幢白雲天際飛

寒雁紅葉籬根吠小厖戴笠人行山八疊趁潮船
去水三汜過橋多是回環路猶見城頭塔影雙

八疊

嶺名三
汜水名

秋光

曉飯寒山中暮枕寒山麓古木斷為柴白茅編作
屋花開點點金竹響珊珊玉風過景蕭然九月秋
光足

懷前任諸公兼柬諸同事

幾見昇平幾亂離遠從風俗想光儀當年野老歌

來暮此地殘碑勒去思法律盡依前古定章程不
使後人移可能一守蕭何舊碧水青峰但賦詩

入天台天姥諸山

天下名山誰第一此中今古獨幽奇曾來僊客歸
迷路未到才人夢有詩太白有夢遊天姥歌峰頂泉流通血
脈雲根松老具鬚眉登臨不敢輕譚唾恐落風聲
下界疑

接待寺

石曰橫孤澗無人水自春欲投何處宿古寺一林

松

關山嶺

報道關山近干霄路幾盤長林秋色近壘嶂午風
寒鳥向中天度雲從下界看不知煙霧裏何處是
長安

斑竹嶺

身在天然畫裏行神僊浪說有蓬瀛凌雲峭壁非
常翠激石飛泉不斷聲花鳥撩人情爛熳山川畱
客眼縱橫過橋別有幽閒境一枕煙霞夢亦清

燕窩

壁間有僊人題句

題詩兩壁意如何飛帛重來寫燕窩莫道不畱真
姓氏名山自古異人多

新昌縣

一路觀風俗西成半在田民窮瓦屋少縣小石城
堅野犢眠秋艸荒雞唱午煙回看經宿處山與白
雲連

夜渡剡溪

幾灣秋水接長天兩岸青山不記年欸乃聲中灘

上下月明人在剡溪船

過蒿壩

明月西飛曉尚圓披衣趺坐興悠然片帆初卸羣
登岸一壩中橫兩易船分去曹娥江上水來看西
子廟中煙輜軒才入山陰道頓覺人間別有天

曹娥廟

古廟蒼松掛薜蘿網常奇處駭人多但知父歿沉
洪浪不憚身生赴白波八字碑陰題孝女千秋江
水號曹娥往來都向壩前拜歸到堂中思若何

錢清

漢太守劉
寵投錢處

路入會稽郡顏標賢守名一錢投水處千古賢人
清埜廟儀容肅鄉民祭祀誠往來遊宦者請自問
平生

晚泊

一棹滄江晚人家半掩門亂雲秋水壩老樹夕陽
村煙起生新翠潮平沒舊痕蘆花深處宿沽酒送
黃昏

九月晦夜途中作

涉險豈吾願其如王事何人言荒僻處虎跡近來
多風雨三秋盡雲山一夕過喜看天欲曙遠浦動
漁歌

宿寧海西店

歷盡蒼茫萬樹稠人煙直接海西頭短牆畫白秋
防虎破屋堆青夜飯牛遠去京華千里夢近來心
事五更愁誰言島嶼昇平久尙有餘氛擾未休

寧海縣

遠隔靈江百里餘海濱城郭易丘墟章安太守無
遺跡正學先生有故居青染層巒經雨後紅翻烏
柏惹霜初停車細問民生事半種山田半打魚

過寧海諸嶺

日行不滿百數里三度嶺直上最高峰白雲生俄
頃下瞰後來者遙遙在深井怪石蹲道傍猙獰羣
獸猛老樹獨縱橫勢若虬龍騁憑高呼僕夫相攜
各戒警世路太嶮巖眼前多幻景清風吹客衣夕
陽淡秋影薄宦逐天涯忽忽雄心冷

歸台郡作

鹽官一攝笑怱怱千里歸來道路長
幾易舟車牽日夜屢逢雨露溼衣裳
海濱鼓柁經蓬島雲裏攀蘿度石梁
誰謂蕭蕭官况冷收將山水富奚囊

雨中懷友人歸里

百里晴陰未可猜昨朝會否過天台
青山笑客空囊去雙竹肩人細雨來
薄暮亂投茅店榻寒宵獨對埜人盃
遙期早返山陰棹師古堂前學老萊

冬夜諸同人桂亭小集分韻得嫌字

一座狂呼索酒添半醒半醉笑掀髯
有星能使賢

人聚此夜應煩太史占孤影行來花底鶴
清光飛出海中蟾眼前磊落逢知己未許襟懷着小嫌

男

均
培
全校字

葛莊詩鈔卷六

終

葛莊詩鈔

丙寅

遼海劉廷璣玉衡

一字在園著

卷七

萬壽節早朝恭紀

麗日懸雙闕卿雲遍八垓
北辰高詆蕩南極映照
回一笑天開霽羣呼地動雷
層霄輝玉燭率土進
霞杯長樂春方煖含元曉
漸開彤墀花燦燦瑤砌
月皚皚有喜龍顏近無譁
鷺序催摠衣蠶食葉
屏氣馬啣枚劔珮旣盈矣
乾坤此盛哉萬三千里

外古云幅員縱二十五年來武德窮瀛渤文光逼
斗魁書祥雲匝匝銘烈岱崔嵬鰲背安於砥鴻波
釀若醕上公遙拜舞外吏幸追陪 帝錫長生酒
臣慚作賦才帽分金殿柳袖壓玉階苔葵性原依
日芹誠欲獻瑰萬年桃一顆遠捧自天台

奉使喜晴

漫漫兩雪勢方頻纔駕輜軒霽色新自是 聖朝
開壽域敢言天意眷勞臣波平大海鯨鯢靖日照
深山虎豹馴一路小民齊獻頌萬年 天子太平

春

入都

匝月王程客到遲東風吹老綠楊枝疎慵舊恃身
貧賤涉歷新知路嶮巖下馬尙餘三尺劔贈人唯
有一函詩在園松菊依然好應是家僮善護持
祝石公明府招飲兼約江南之遊

依舊相逢愛率真君今松菊我風塵推敲明月詩
知己斟酌紅燈酒故人砌下仍看槐樹古石邊不
認艸亭新共言山水推江左能否驅車一問津

乙丑春之任章安 家司馬 家侍御暨諸

親友送至盧溝橋丙寅四月十日入賀

萬壽事竣出都復送至此感成四韻

五雲回首望神京 驛路風塵又送行
煙樹長橋千里夢 鶯花新店隔年情
春光老矣顏非舊 棋局紛然事屢更
無那家園才聚首 催人離別是浮名

洪恩寺 明某太監造

翹首梵王宮 深雲積翠中
入門雙樹碧 禮佛一燈紅
碑剩先朝字 人歸菴寺功
西來原寂靜 何處得

恩洪

涿鹿遇雨

鬢鬣陰雲千里同 輜軒帶溼去忽忽
遙思華髮高堂上 應念征人在雨中

三家店

日落三家店 勞人雨後過
岸高流水急 樹老得風多
倦馬趨新廐 歸鴉認舊窠
不知今夕夢 仍否故山阿

喜越千同行

聚散從來不意中范陽城北越江東已隨李白論
文細謂李又得張顛醉酒同清夢一宵茅店月旅
情千里布帆風郵亭此後看題句半和劉郎半和
公

趙北口同越千分賦用張牧霞韻

此地傳聞古戰場不知誰插柳陰涼往來舟楫成
溪路點綴人家竟水鄉燕子凌波低見影稻花經
雨細聞香與君竝馬危橋上雲度青天萬里長

易水弔荆軻

北風吹蕭蕭流水去徐徐悲歌聲未已揮手別須
臾太子意何急壯士計亦疎凡事策萬全深仇豈
易除傷哉將軍首惜哉督亢圖假此學瞽沫此意
何其愚試思反覆秦肯以信爲拘武陽雖猛力終
非義勇徒太子不識人強令與之俱秦庭戰慄時
何以異懦夫代彼一笑言壯士閒有餘行劫事不
成行刺復踟躕後發制於人以致繞殿呼當日送
別時有意緩登車豈其生翻悔待客共馳驅太子
速之行乃令壯士孤此客得同來事未知何如

次河間飲同官董舜修署中

瀛海君司馬錢江我使臣各言三載別同笑一官
貧鶴睡槐庭月花飛州閣春尙能具盃酒斟酌故
鄉親

題河間府署 小序

順治元年 先中丞以國子司成隨 世祖

定鼎燕京從范太傅薦授河間守因三輔
重地蹂躪之餘非老成不可也

入關丞相掌絲綸重地分符簡舊人下馬安民新

太守從 龍開國老儒臣黃堂朗照冰壺月碧海

平分蔀屋春四十年來畱善政家嫻詩禮俗歸淳

瞻景州塔

梵王宮裏獨崢嶸南北浮屠此得名簷外只容飛

鳥度雨中常礙老龍行靈江 台州江名雲樹三千里瀛

海 景州屬河間人煙十七城總爲長途筋力倦不教雙

眼一縱橫

黃河涯

不信塵沙路當時九曲河滄桑真易變沽酒聽樵

歌

堃寺嘲廢佛

來自鹵方去不鹵此公應是本來迷
不明寶鏡將誰照半壞金身借此棲
破屋參差風漠漠斷碑零落草萋萋
曾言一切都成幻笑殺當初聚土泥

禹城遇鹵域行脚僧

不記征途幾百千向人云自小鹵天
圓鬚黃髮形容古泛海登山道路禪
大意欲尋真面目浮生難結好因緣
芒鞋踏破徒辛苦月在長空水在川

晏城

傳言晏子舊城闔會此分田瞻所親
雞犬依然三百戶於今舉火待何人

濟南晤于妹倩暨舍妹

路過齊河馬不平雁行飛處歷山城
遠來江左經年客予昨歲之任至此
笑看懷中八月甥時妹舉一子甫八月
家事

漫勞頻問訊萱堂依舊獨經營
高年儘有思兒夢共把平安一寄聲

山行遇友人

楊花風裏雪紛紛有客揚鞭走夕曛彼此相逢何
所贈兩眸山色一肩雲

界首次周青士壁間韻

行役三千里飢來不擇餐長林春未老四月曉餘
寒帘掛風前柳橋飛雨後湍揚鞭山絕頂一嘯水
雲寬

楊柳店看芍藥

旅店名花也自紅一壺村酒笑東風醉來忘却他
鄉客宛在豐臺萬綠中

豐臺在京南十
里芍藥最盛

新泰道中

窈窕唐人畫常懸夕照間茂林青不斷流水碧成
灣車馬高低路煙雲遠近山小橋橫古渡埜寺一
僧還

東蒙懷古

蔓草寒煙樹幾株居民傳是古顓臾分封亦屬周
天子專伐何由魯大夫曾見興亾山不改屢經兵
燹國全無前途試問三家者也作荒涼土一區
登蒙陰城樓

斗大孤城一望低城邊無數客星馳青郊樹半藏
鶯語白屋人多結繭絲休憶山中初熟酒且成馬
上未完詩兩年遊宦經三度記取登樓獨眺時

卽景口占

白雲飛盡萬山青日午投鞭飯草亭驢背敲來詩
未穩牆頭書去筆還停當門細草斜分路近水楊
花亂點萍依舊黃鸝聲滿樹如何不似故園聽

沂水呈同使諸公

古穆陵道

人在雲霄第幾層馬蹄飛處石峻嶒先賢蹤跡尋

沂水霸國封疆問穆陵天有光華星北拱山無魑
魅日東昇自然小寇潛消滅風雨無愆二麥登近
盜警旋
卽散去

沂州至郟城道上

斜日滿丘墟荒田半未鋤地當飢饉後民是灰生
餘 聖主蠲租詔司農發帑書 朝廷勤補救勉
力故鄉居時有挈妻孥逃散者故未語及之

二疏故里

曠懷真足古今師七十人當致仕時更爲子孫謀

遠大不將養老賜金遺

雜書所見二首

落盡桃花幾樹紅平原芳草碧茸茸牧兒睡起歸
來晚牛背斜陽一笛風

蕭疎旅店夕陽斜有客閒聽說漢家堪嘆興亡多
少事却歸盲女一琵琶

山東江南分界處

在郟城之南
淮安之北

萬疊雲煙古道斜青齊歷盡使臣車北瞻泰岳千
年樹南泛黃河四月櫂邾子衣冠新廟貌淮王雞

犬舊人家有情花鳥如相待三度江南兩歲華

渡黃河

宇宙縱橫第一川源頭高掛白雲邊畫開秦晉三
千地吞去淮陽百萬田無路可窮星宿海有櫂欲
泛斗牛天躊躇今古無良策瓠子桃花獨黯然

紀遊篇

出山入山孤山驛上船下船清江浦往來六十有
七日計程三千九百五多生遊覽心不覺長途苦
渡淮海走齊魯泰岳之山小天下黃河之水流萬

古我來正當三月時一路草香花亂吐最愛埜人
不識官下馬執盃相爾汝幾回醉幾回舞幾處亭
臺幾風雨我欲題詩寫我懷破壁頽垣書數語傍
觀多笑此公癡飄飄自謂真豪舉便將此意問古
人古人一笑應相許

韓侯釣臺二首

一請三齊計早陳事成空自兩躊躇可憐到底同
烹狗何不歸來更釣魚
忘却淮陰舊釣磯未央宮裏劍花飛一從相國藏

孤後南國王孫牛姓韋

相傳族韓時蕭何匿其孤置之楚南去韓之牛托以

姓韋

高郵風順戲占

秦郵城外草芊芊兩岸飛花送客還一笑三人同
得意活魚新酒順風船

維揚舟中有懷二首

禿盡風塵入水鄉岸花飛送酒邊香渡頭一櫓搖
歸客關口雙帆卸夕陽何處笙歌浮大白萬家燈
火破昏黃柳梢斜掛相思月夢上紅樓對晚妝

月照名花月半酣花顏月意兩無慚
新晴乍聽風聲北良夜初看斗柄南
好夢疑來峰六六柔腸曲似水三三
廣陵舊是繁華地儘有孤燈客不堪

紀夢

知在紅樓第幾家金鈎高捲繡簾斜
笑斟夜月旗亭酒醉擁春風玉樹花
雲看舞衣飛不去鳥聽歌板靜無譁
醒時欲訪人何處越國城鹵舊若耶

虹橋夜泛

紅板橋通碧水流是誰招上木蘭舟
斜穿楊柳風

中棹驚起荷花蕩裏鷗壁有琴書高士榻
簾垂煙月美人樓何因慣識桃源路
來自天台客姓劉

伍子胥吹簫乞食處

不用傷潦倒英雄例若斯况求吳國柄
欲報楚王尸日落長江暗風高萬井悲
塵埃多碌碌物色古今誰

夜發常州

公事催人駐未能黃昏撾鼓過延陵
風當城郭風無力月在亭臺月有稜
小艇暫留沽酒市垂楊亂

泊打魚燈朝來擬作姑蘇客醉聽吳娃唱採菱

吳江示僧素峰

寺已在深林僧居深復深相逢纔一面何事忽關心
花發齋時偈鐘敲定後音悠然如有會抱膝幾
長吟

泊平望賦呈同使諸公

江南浙江分界處

昏黃帆影卸紛紛撐入沙鷗共一羣岸艸有聲蛙
叫月山松無數鳥眠雲十旬跋涉風兼雨萬里賢
勞我共君坐愛湖光澄似鏡兩江兩浙此中分

舟雨

蓬窻開處雨霏霏縱目長空隱翠微青嶂樵人雲
作路綠楊漁父草爲衣千村機杼蠶初老萬井耕
耘麥正肥簫鼓一船花兩岬滿帆風送使臣歸

錢塘懷古

蒼茫吳越舊山川終古長江亦號錢霸業五傳年

七十

錢氏歷五王共七十七年

雄風一射弩三千星瞻北斗天

門近水漲東隅海氣連史冊獨傳當日事萬家煙
火太平天

會稽道上二首

高城煙鎖萬峰低，遠接江東近海西。
禹穴衣冠秋草白，宋陵風雨夜烏啼。
依然民俗存於越，無數山村屬會稽。
來不加多去不少，九州到處有人棲。
兩年薄宦走天涯，今日輕帆又若耶。
橋掛青藤低拂水，風翻綠樹遠飛花。
鄉心滴碎孤舟雨，旅夢驚回一枕蛙。
自笑匆匆塵事擾，不將簪紱易煙霞。

溪水

山下雲正深，山頭日欲午。
溪水忽瀾漫，昨夜山中

雨

過天台和贛唐僊子洞中有懷劉郎韻

驅車不及訪僊鄉，空想桃花洞口妝。
霞珮聲中流水細，天衣飛處彩雲香。
因聽野鳥催人語，却被青山笑客忙。
惆悵堯賓舊詩句，傳言僊子憶劉郎。
若芝成五叔姪，有偕隱天台之興，詩以招之。
十年下第等劉蕢，塵土煙霞一夢分。
擬向竹林埋姓氏，懶從金闕售詩文。
晚開草閣延明月，晨啟山窻放白雲。
能以曠懷消俗慮，天台泉石久思君。

使回

一路響雲璈風吹舊節旄十旬常佩劔今日解征袍
峽束溪聲壯山收雨氣高道傍人嘖嘖都說使君勞

大水歌

去年大水水上山山上飛鳥飛不還今年大水水
入城城裡人家驚復驚天台素號萬八峰幾日不見
墮雲中雲中萬派急溜雨滙在城鹵入海東初三
十八海潮長東流之水鹵漫漑兩水相鬪忽飛

立天有風雲地無壤我當萬里呼 嵩回父老遮
訴面目哀破屋新禾不知處入口性命尙疑猜夏
言東廓有龍祠一郡風雨實主持我聞其言卽齋
肅敬酒一盃往問之龍神龍神君最靈應體上帝
德好生瀾漫之勢不可當愁怨之聲不忍聽龍神
雖非鱷魚比令水爲害乃如此我雖不及韓文公
朝廷一命官則同速令民生安則已不然當白中
丞奏 天子

龍頭寺訪笠上人

竟日無人只閉關一聲清磬翠微間常開亂石引
流水不築高牆遮遠山修竹臺邊飛鳥度白雲牀
上老僧閒大乘豈在貪枯寂城市何妨獨往還

鵲

是否人家喜氣連儘將長尾颭風前碧桃花下三
聲後賺得空閨夜不眠

鳩

繞屋陰雲晝不開却從何處又飛回生平不識營
巢苦只管林端喚雨來

蠅

營營何事太飛揚轉盼鹵風八月涼白壁不須輕
點污一經磨洗倍生光

蟻

一點生成出土泥爲陰爲兩穴高低幾回不敢輕
相視能壞黃河百丈堤

竹

傍水水連漪倚山山突兀蕭蕭丹鳳尾落落蒼龍
骨夜半起秋聲一片瀟湘月

蘭

花不必幽谷人不必窮山窮山與幽谷豈在形迹
間衙齋頗寂靜相與得清閒

梅

無意媚東皇老榦橫孤鐵未嘗不芳菲却自能清
白所以古之人命名曰香雪

菊

采采東籬下南山當其右不見鳥飛還偏逢雲出
岫秋光淡夕陽攜歸香滿袖

同殿颺守戎東湖偶集孫明府能作不速之
客詩以識之

追隨花鳥興何如邂逅同心省報書半壁雲開雙
塔近萬山風響一樓虛長堤綠柳將軍騎止水青
菱稚子漁莫負芳尊賢令尹與君難得是公餘

宜亭偶占二首

雲起萬山深雨過風蕭索聽來瓦上聲空亭栢子
落

倚枕聞流水開窻見遠山誰言幽隱處不在市城

間

贈林鹵仲司李

和靖襟懷迥絕塵十年著述等於身青尊論古新
知己白髮讐書老學人吟興遠尋天姥夢僊踪近
訪玉霄真佳山佳水閒遊慣誰識芙蓉幕裏臣

夏日漫成三首

蟬聲樹樹響斜陽黃雀紛飛乳燕忙雲度池塘天
不見風生院宇竹先涼芭蕉半捲窻中綠茉莉全
供帳裏香有客逍遙揮羽扇高峰羅立晚蒼蒼

桼鳥飛來枕席前荒城半在白雲邊江州歌曲身
爲客勾漏丹砂吏是僊風裏松聲千壘浪雨中山
色幾堆煙天涯薄宦淹留處荷葉荷花又一年
山城無事冷官衙早晚門庭兩部蛙不見吏人催
署字漫呼童子課煎茶簷頭擾攘蜂分國樹上經
營鵲起家有酒一瓶詩一帙猶然林壑舊生涯

題畫

幾片遠岫雲一帶寒溪樹攜杖試追尋昨日彈琴
處

茅庵得茅字

在城中
巾子山

到處山僧愛結茅
結茅庵在亂山坳
煙消下見城中市
天濶遙臨郭外郊
明滅夕陽翻鳥背
黃昏鐘磬落松梢
夜來白板扉常啓
恐有人歸帶月敲

晚景

驟雨過空山
殘陽在高樹
滾滾暮雲飛
亂蟬鳴不住

得信

得信身如到故鄉
別離四月話偏長
心忙不暇從

頭看先覓平安字
一行

秋風

已將消息報梧桐
萬木蕭條更向東
吹起薄雲茅屋外
帶來疎雨夕陽中
寂寥宋玉情何似
瞬息潘安鬢不同
烏兔忙忙飛碧落
百年人耐幾秋風

寫懷壘前韻

半牀圖史一焦桐
曲曲欄干小閣東
薄暮鳥歸山色裏
新秋人在雨聲中
幾時宦况形容老
千里鄉心夢寐同
莫道清風攜兩袖
絺衣袖窄更無風

過壩口號

壩南壩北水分開
南北人都上石臺
齊唱一聲齊着力
雙繩牽過小船來

奉化道中柬施明府

十里孤城晚秋風
上野航溪聲爭亂石
山色變殘陽宿鳥全
依樹農夫半在場
使君清且簡茅屋慶倉箱

麻畝題壁

迷途錯問指南車
來到深山百姓家
八口無飢勤

兩稻

早稻晚稻

一年有賦割三麻

其地產麻有頭二三種土人貨以供賦

沾衣欲濕非關雨
着樹纔紅不是花
滿目雲泉秋色早

隔溪風動酒帘斜

遇雨

黑雲遠上碧山頭
雷電聲來暑氣收
止水荒田雙鷺雨
斜陽老樹一蟬秋
亂投野寺行人屐
閒倚沙灘釣客舟
從者漫愁泥滑滑
有村買酒即停畱

七月望夕宿桑洲驛樓疊前韻

是年閏四月

銀蟾飛出海東頭
薄霧輕煙取次收
只為三年應

一閨不然今夕是中秋倚欄長嘯天如水把盞憑
虛地似舟極目故園千里月高堂遠念客淹留

泊范家湖

楚岸行人少勞臣夜不眠潮來初得水月上好開
船旅况寒山外愁心大海邊那能如少伯一棹五
湖煙

山行戲占二首

山中花鳥繫相思不到山中那得知送客多情十
姊妹留人如話八哥兒

上坂雲開雨乍晴一犁新水夕陽明笑看人物忘
機處鴉在耕牛背上行

東湖別業訪馮司寇不值

門掩寒花小院香主人謝客遠徜徉蒼苔願未容
車馬黃綬何勞到竹房城郭斜分山一半亭臺獨
立水中央秋光滿目歸來晚萬木蕭疎趁夕陽

偶興

窻含山色樹堆煙空負橙黃橘綠天自博一官滄
海畔常操三篆簿書前

去年兼攝三
事今歲復攝

眼光昏處呼

燈坐心血枯時借酒眠只有詩懷消不去數行編
作宦遊年

男
均培
全校字

葛莊詩鈔卷七終

